

CICIKOANBADIEGU

BULICINA FASO
Taanyenma - Findima - Teginma

GUVENEMA MASOAGINDO

BAALO KOANBALA TAANLI
JAGA DOAGIDIMA

(PP-G/TRANS N°029-2024)

Rimaliba Jan Emanuweli WEDARAWOGO

Wagadugu li binli 2024, ciyia o dana 04

Baalo Koanbala Taanli den kali Wagadugu
nani ban maani ki tiedi maama dana lele kuli,
alaalibu daali, li binli 2024, ciyia, o dana 04,
ki cili leeri 9 yogunu ki ban gbeni leeri 12 leni miniti 56.
Kapitenni Ibirayimi TARAWORE, yua n tie ti Diema
Yudanciamo leni a Koanbala Taanli Liigiyua n den
gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

I. A JAGA

I.1. KU CICILIKOANBADIDIEGU KANI

A Koanbala taanli tuo **tiwaankaali** ke li tuugi leni **ñoamabonalie (02) ban bogini ya**. Li bonkpiali waani yaa niba n baa suagi li tuonli li ya tie ke baalo koanbala daa ye likani ; li bonlieli mo waani yua n baa suagi li tuonli li ya tie ke guvenema tila dianma Yudanciamo ki ye likani.

Laa tili goadiidima nni tie yaa jagili n taa ki yegi leni **ñoamabonli** lanba 2022-1061/PRES-TRANS/PM li binli 2022 piiga n cilie o dana 09 a koanbala po leni lanba n°2022-1063/PRES-TRANS/PM li binli 2022 piiga n cilie o dana 09 guvenema leni a koanbala taanli tila dianma Yudanciamo po, li yaa tie nani yua n ki ye li kani.

Laa **ñoamabona** goadiidima doagidi yaa niba n baa suagi ki yaa tuuni a tuona a koanbala bi guvenema leni a koanbala taanli tila dianma Yudanciamo ya daa ye likani.

Laa jaga taama baa todi baalo tuona n yaa tuuni ki da jidi li ya tie ke guvenema nni li baa yua n kaa ye likani bi ke o baa bonpankaala ba.

I.2.YAA KOANBADIEGU N DIIDI TI DIEMA LOAGU LENI I LIGI

A koanbala taanli tuo **tiwaankayenli (01)** jagili taama nni yaali n tie li ligikubili tuona leni baalo ligiboginli a tuona po n poa ki da maama li binli 2024, ciluoba o dana piitaa nni.

Ciluoba o dana piitaa nni, li binli 2024 Baalo n kuani yaa ligi ku ligikpaku nni den pundi **Seefa ligi po Miliyaari 1 398,64** leni i ligiñake **Seefa ligi po Miliyaari 1 731,00** yaala n tie li binli ligiboginli nni ban den bili mama tie i ligikuake **Seefa ligi po Miliyaari 3 144,12** leni i ligiñake **Seefa ligi po Miliyaari 3 694,59**.

Laa tuona n biani yaa ligi kobiga yuli po pundi **44,48%** leni **46,85%** ki biigi leni li binli 2023 laa yogunu yaa niinni li den tie **51,26%** leni **57,05%**.

Baalo ligikpaku nni, li binli 2023 i ligi kuli taanma den pundi **Seefa ligi po Miliyaari 1 831,58** yi n den kua baalo ligisenbigu nni, ki tuugi leni **Seefa ligi po Miliyaari 1 856,61** li binli 2024, ciluoba o dana piitaa nni, ke li wadi ki pundi **Seefa ligi po Miliyaari 25,03**. Lan tie ke kobiga yuli po laa wadima pundi 1,35%.

Ti yaa diidi yaa ligi n ñani baalo ligikpaku nni li binli 2024 ciluoba o dana 30 n da maama, a koanbala taanli miadi li baali n yaa pugidi, ki todi i ligi n yaa koa ki pugidi, ki go teni i ligi n yen soani yaa tuona n tie tiladi Guvenema boginli nni.

A koanbala taanbali tuo ki baa soagini laa tiwaankaali Taransisiyon depitenba kani.

I.3. YAA KOANBADIEGU N DIIDI MI TAGIMA TUONSOANDIEDI FINDIMA , U KPENDU TUONA LENI U NUU TUONSOANBANMA

A koanbala taanli taa li jagali ki tuugi leni yaa biinu n yen baa ña ti tiadi tagima kani li ya tie ke li baa ña ki gedi dietoama nni bi ki sedi ti diema nni.

Ki fidi ki bogini ti diema tagima tuonsoandiedi po, Baalo den jagi li binli 2018, yaa biinu n yen baa ña ki gedi dietoama nni bi ki sedi ti diema nni nani mi kpajekaama, sikidi, a kutantaana leni alikama yoma.

Lan yaapo, laa jagili taama po todi ke yaa tuonsoandiegu n tagi sikidi lan tie SOSIKO fidi ki kuadi wan tagi yaala kuli ki cili li binli 2018 ki gedi 2023, ke SITEKI mo kuani Seefa ligi po Miliyaari bilele (7) li binli 2019 leni 2023, ki go teni ke li todi ke SAPI OLENPIKI leni mi yoma tienma tuonsoandiedi goafaadima.

Bina muu (5) tuona pendima puoli, lan mali yaala kuani ti ñuadi. Lankuli tie lan fidi ki todi mi tagima tuonsoandiedi toana, ke li yegi leni ti diema n taani yaa yanjagipaana, ke li pundi laa bogina n suagi liiga yaala n tie ti tiadi tagima ke li tiega yaala n baa todi tin fidi ki baa u sanu ki kuadi ti tiadi leni dietoama yaaba po.

Laa jagili n lingi yaala bontianla tie :

- yaa tiadi n tagi ti diema nni kuadima ;
- lan todi ke ti diema Bulicina Faso n diedi o yuli ki pugini leni dietoama nni tiadaagu;
- lan todi ke u kpendu n da baa.

Laa jagili taama baa todi baalo n baa u biinu yaa tiadi n tagi ti diema nni ki baa gedi dietoama nni bi li yaa tie ti diema nni.

I.4. YAA KOANBADIEGU N DIIDI A DIEGBENGA MAAMA LENI I SANI TIENMA

A koanbala taanli tuo laa tiwaankaali po yaala n tuugi leni Baalo n pa u sanu ti tiadi daama, lani n tie masina naa (04) daama i sani tuona po ke li yegi leni yaa sanbili n taa ki baa todi ti tiadi daama n yaa faali laa tuona po.

A koanbala taanli tuo ki baa teni laa tuona ban yi yaa tuonsoancagili **WENDI NA SONGIDO INDiSiTIRI**. Laa tuona n boagidi ki ñua maama nne :

- **Cagiyenli 1** : Masina naa (04) daama i sani tuona po yaa koanbadiegu n diidi a diegbenga maama leni i sani tienma po, ke li dunga mo tie **Seefa ligi po miliyaari piiga n bilele leni miliyon kobiluoba n piilele n bonbi naa n piinii tudanii n kobilie n piinaa (17 674 088 240) ke bancanli ba leni duanni ligi ki taa lieni nni;**

- **Cagilieli 2 :** Masina naa (04) daama i sani tuona po yaa koanbadiegu n diidi a diegbenga maama leni i sani tienma po, ke li dunga mo tie **Seefa ligi po miliyaari piiga n bonbitaa leni miliyon kobiga n piiluoba n tuda yia n kobiga n piiluoba n tuda nii (13 169 168 000) ke bancanli ba, leni duanni ligi ba ki taa lieni nni;**

Laa tuona ligi kuli baa ña yaa ligi n bogini ki bili i sani tuona po, ke laa tuona mo baa soani ŋmaali luoba (06) nni cagili kuli po.

II. I LAABALITENKE

II.1. Yaa koanbali n die i laabaali, ku maasuagu leni yanluadi goada tuona puni a Koanbala Taanli u labaaluu yaala n tie Bulicina Faso n maani ki tiendi a tuona tiwaankaali yaali bina naa kuli, mi taabuanaama, ki baa doagidi li nandunli nitaana cagili u cogu po, mi banma po leni ku maasuagu po (INESIKO) mabilikaama ki waani li binli 2025 tuona n cuoni maama.

Li binli 2005 Mabilikaama tie li nandunli nni sanbi-tegin-moanle yaali n tuo diema kuli n diedi mi yuli ki taa ku maasuagu sanbila nni yaa jaga n yegi leni bi niba yema n tie maama, ki nan go teni yaa tuongagidikaana n tuuni ku maasuagu sanbila nni kuli n yaa pia ti ñuadi bi niba yema nni.

Laa tuona tiwaankaali doagidima mi taabualinaama po tuugi leni Bulicina Faso n fidi ki taa yaa jagimoana ki go soani yaa tuonciamaa a binnaada na siiga. Laa jaga go yegi leni ku maasuagu gobidimoanma, u kpendu puginma leni ku maasuagu tuonbuoli danba cenli namu. Laa jaga go noadi leni ku maasuagu tiadi tagima mi findimoanma sanbila nni, bi niba kaapaadima leni ku maasuagu tuonbuoli danba yucela findima.

Bulicina Faso tiwaankanaali a binnaada po taa li binli 2024 ki ban juodi 2025 binli yogunu.

II.2. Yaa Koanbali n diidi ti diema leni Afiriki dogi tuginma ki tie yaa Koanbali n die ti diema leni dietoama siiga tuginma tuona leni ti diema niba yaaba n ye dietoama nni maama duogili puni a Koanbala Taanli **laabaali lie (02)** wan duogi yaa Koanbali yeli po.

U cicilaabaalu tuugi leni ti diema n bongindi yaa taancianli diema leni diema tuginma po mi taabuulelema Banfora po li binli 2024, cipiiga o 14 ki taa ki pundi o 18 daali.

Diema leni diema tuginma taanli mi taabualilelema po ñii yaa mayuli n tie na po : “U **taajuogumoanu n baa cuani Afiriki diema nni mi tuginmoanma**”, ki sugini ke mi tuginmoanma sanbila n tandi i nibuoli caga siiga ya n ye Bulicina Faso nni.

Ti diema taancianli diema leni diema tuginma po sugini:

- ki yaa puuni i tundi mi yanduanma po leni yaa nibuoli n ye Bulicina Faso taayenamu po;
- ki teni bi niba n bandi Sayeli diema taanyenma cagili politiko leni laa diema Yudancianba nunlema;
- ki teni i tundi bi taantieba yaali n yegi leni ban ñani yaa balimaapanma ki kua bi ki baa ki yaa ye, bi mo ki tieni tili ba bi ki ña Bulicina tinga nni.

Mali leni Niseedi diema koanbala yaaba n diidi diema leni diema tuginma n baa kali ti diema taancianli mi tuginma po.

U labaalilielu tuugi leni Bulicina Faso gedima Peken dogu po lan tie Sinni diema nni Afiriki leni Sinni diema taantaantuona taanli mi taabuayama po li binli 2024, ciyia o dana 02 ki ban tuoni o dana 06 daali.

Yaa taanli n baa taani Afiriki leni Sinni diema yudancianba leni bi koanbala baa tie yaa yogunu n baa teni bi niba n taani ki juogi ki lingi yaa sanbila leni yaa gbamanu n baa pugini mi tuginma politiko, u loagu leni ku maasuagu fuuna nni.

Laa taanli yogunu, Bulicina tonda baa kali leni boncelidanba ki baa ki tigini Sinni diema ligidanba ban cua ki soani Bulicina Faso tuonjaana nni.

Afirika leni Sinni danligu taanli yeni bogindi bina taa kuli Sinni leni Afiriki diema yaama n pia u taajuogu leni Peken po.

II.3. Li laafiali Koanbali puni a Koanbala Taanli **laabaali lie (02)**

Tinunga **10** bonmu **22** nni

U labaalikpialu tuugi leni li binli 2024 nni ti ñinwadi yugbaagu paadima boginma n fii maama mi taabualiema po Bulicina Faso nni.

Ti ñinwadi yugbaagu paadima boginma mi taabualiema po den cili li binli 2024, cilele o 26 daali ki ban juodi o 28 daali mi diema logitodiecaga gaanilindima 70 nni. Li yaa po teni ke:

- bila **4 594 765** n baa ki gaa u ñoagu ki sua bi den bili lan pundi bila **4 519 000** yaaba n daa cie ñmaali 03 ki baa gedi ñmaali 59. Lani n doagidi ke yaa bila n baa ki ga u ñoagu fii **101,68%**.
- bila **50 918** n ye leni tijepoadi yianu ama ke li daa bi tadi ki bia bi po. Laa bila siiga bila **12 727** mo n kua ti jepoadi nni cancani. Bila **19 034** mo n ye leni ti jepoadi ke li bia bi po ke bi siiga bila **4 464** n kua ti jepoadi nni cancani;
- bila **12 629** n daa den badi ban den sugini ki badi yaa bila leni ti ñinwadi yugbaagu ñoagu siiga den baa ki badi, ke bila **4 810** mo den fidi ki guani ki baa mi badima kuli, lan tie **48,62%**;
- a lotola pundi diedi **1 016 023** nni leni i juumi yekaani **700 093**, ke kaani **511 238** mo tie naani ke bi jaligi ki kpa i juumi; naani ke bi bolini i juumi tie **73,02%**.

Li bonli kuli taanma nni, laa bebadiliema ti ñinwadi yugbaagi paadima po den cuoni ñama.

U labaalielu tuugi leni yaa kaanu n bi diidi yaali n bua jali-jali li laafiali sanbila nni sedima ke li ñoadi leni i guani yianu (ti kpindi yianu) n wadi maama leni a tuona n fidi ki tuuni maama yaapo Bulicina Faso logitodiecaga gaanilindima boncianla nni.

Bulicina Faso nni, i yanguani den tandi li binli 2023, ki suagi 2024 nni. A danleleeda lanba 46 siiga. Li binli 2023 leni 2024 yaa danleleeda lanba 5 siiga, ti

diema den baa yama 1 335, yaaba ke a logitola daa den bandi cain bi ya ye leni i guani yianu. Laa yama siiga, nibi naa n den kpe.

Li binli 2024 cici-danleledi-muuda nni, i guani yianu puudima yogunu nni, bi den biigi niba 272 ke bi siiga niba 215 n den ye leni i guani yianu, niyendo mo n yaa ye leni yianpuodikatou. Li yaa po den teni ke bi den pugini li guunli kpaagili ki baa koani ki paadi laa yianpuodike.

I guani yianpuodiko yeni den biagi li binli 2024 danleleda lanba 11 siiga ki cili citaa, o 11 daali ki ban pundi nali o 17 daali logitodiecaga yia (09) gaanilindima nni. Bi den jaligi ki bogini mi bebadima li binli 2024, cilie o 26 ki ban pundi citaa o 03 daali laa logitodiecaga gaanilindima nni. Bila 831 370 yaaba n daa cie bina 09 ki taa ki pundi bina 59 n den baa laa bebadima, lani n tie 124,9% mi diema kuli nni.

U yianu yeni n cuo yaaba leni un kpa yaaba yuandi ki wadi. Li yaapo, li binli 2024 danleleda lanba 20 yogunu ki cili cimuu, o 13 ki ban pundi o 19 daali, yaa kaani n faami u yianu yeni po den baa yama 191 ban fangi yaaba ama ke baa niyendo ki kpe mi diema nni. Lani n den doagidi ke i guani yianu yeni wadi nana mi diema logitodiecaga gaanilindima kuli nni.

Nani i guani yianu n wadi maama, yaa cagili n den diidi u puudima sanbila ke bi yi li korisi yeni sedi.

II.4. Yaa koanbali n die a biwaala cogu, ti maamaamaama cogu leni ti diema mabuoli findima puni a Koanbala Taanli **laabaaliyendu** yaali n tie Bulicina Faso cogibila tiayiekaadi Faso Dan Fani Baalo leni boncelidanba cogidiena nni.

Bi da den biigi a cogibila tiayiekaadi leni Faso Dan Fani i dociami komininba Wagadugu, Bobo, Kudugu n ni leni dojaayenli yaa kominno lan tie Sabu cogidiena nne, ki sua ke li pundi ban tandi a cogibila tiayiekaadi leni Faso Dan Fani Baalo leni boncelidanba cogidiena nni Bulicina Faso kuli po.

Faso Dan Fani yiema baa yegi leni cogibiga kuli yanbuame atani kuli bi alaamuda kuli. A cogidiena danba leni a cogibila danba n baa taani ki bogini laa tiayiekaadi n baa noadi maama leni Faso Dan Fani kpenkpenda.

II.5. Yaa koanbali n diidi a cogibigbenga cogu leni mi bancanma linginma puni a Koanbala Taanli **laabaaliyendu** ke u tuugi leni Wagadugu cobigbenga mi banma leni mi tagima sanbila nni cogu gbenma badu boginma li binli 2024, ciyia o 27 daali.

Mi diema Yudanciamo Kapitenni Ibrahima TARAWORE n baa gobidi laa badu ke li mayuli tie : « **O tuonbandiciamo tuonli leni o sienu Bulicina Faso loagu goafindima po** ».

Wagadugu cicicogibigbenga mi bancanma leni mi tagima sanbila nni tie cogibila 31 ke bi siiga cogibila 09 mo cogi mi tagima yanfuoma sanbila banma, cogibila 08 mo cogi ti kunkundi bontagikaala yanfuoma cogu, cogibila 08 go cogi enterineta banma yanfuoma cogu, cogibila 06 mo cogi kankalafo banma yanfuoma cogu.

Laa badu yogunu bi baa teni i jaandi tila yaa niba leni yaa tuonsoanjaana n todi Wagadugu cogidiegbengili mi banma leni mi tagima sanbila nni, ki go teni a cogibila bangima sieda tila ki ban juodi leni li tijuuli.

Wagadugu cogidiegbengili mi banma leni mi tagima sanbila nni cili li binli 2017, ke li tuona sanbila mo tie ki bogini a bandiciana a tuona po, mi tagima po, leni dogiterinba, ki pugini mi bandicanma lingima fidu, ki teni mi bangicanma lingima tuona n tandi.

III. BAN DINI YAABA A BALA

III.1. BAN DINI YAABA A BALA TUONCELI PO

A. BULICINA FASO YUDANCIAMO BADIDIEGU KANI

O joa Umaru **MOGIMENGA**, o lanba li tuonli nni tie **23 19 473 N**, ke o tie bi laabaalitenkaaba tundikoa, bi dini o li bali ke o tua yaa tuonjaali n tiedi i tundi i laabaali tenma po cagili nni nilo bulicina faso yudanciamo badidiegu yeli.

B. YAA KOANBADIEGU N DIE TI DIEMA GUUDIMA TUONA LENI A MINTEELIKPELA MAAMA

- O joa Handiegu Sarili **NATAMA**, Ofisier, bi dini o li bali ke o tua yua n baa gobidi i ligi kuama leni i ñama tuona a bianjanbila bandicianma cogidieli yaali n ye Wagadigu kani.

C . YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA

- O joa Firanki Didie **SUNGIRANA**, o lanba li tuonli nni tie **96 906 C**, ki tie u loagu tuonsoandiedi gobidikoa, bi dini o li bali ke o tua baalo ligi bogida goandikoa ;
- O joa Jan **SAWADOGO**, o lanba li tuonli nni tie **96 916 N**, ki tie u loagu tuonsoandiedi gobidikoa, bi dini o li bali ke o tua baalo ligi bogida goandikoa ;
- O joa Siaka **PARE**, o lanba li tuonli nni tie **111 144 R N**, ki tie u loagu tuonsoandiedi gobidikoa, bi dini o li bali ke o tua baalo ligi bogida goandikoa ;
- O joa Tubu **RIPAMA**, o lanba li tuonli nni tie **37 37 038 L**, ki tie bandiciamo yaala n tuugi leni bi niba coali tuona, bi dini o li bali ke o tua yaa tuonjaali n diidi bi niba coali tuona liigiyua ;

- O joa Mohamadi **SAWADOGO**, o lanba li tuonli nni tie **212 361 L**, ki tie u loagu kubima leni mi findima tundikoa, bi dini o li bali ke o tua goandikoa yaa tuonjaali n diidi guvenema n taani yaa jaga gbadijanma po (SENESI) kani ;
- O joa Mahamudu **DIARA**, o lanba li tuonli nni tie **59 879 Y**, ki tie u loagu kubima tuonsoandiedi gobidikoa, bi dini o li bali ke o tua goandikoa yaa tuonjaali n tuunni a kokoda, i nasaalijuoni kpaabu, ti bonyugití (i kokoli, i kpaani...) wubima leni li janwubili tuona findima (PIMSARE) kani ;
- O joa Mahamadi **WEDIRAWOGO**, o lanba li tuonli nni tie **212 601 X**, ki tie yaaba n tuuni baalo loagu kubima tuona gobidikoa, bi dini o li bali ke o tua goandikoa yaa tuonjaali n tuuni ki todi yaaba n ki, tie kpakpaadicianma tuona yema leni a findima po.

D. YAA KOANBADIEGU N DIE LI GUUNLI

- O joa Tuandaba Marseli **COULIBALY**, o tie minteeligbeeli, bi dini o li bali ke o tua li koanbali tundikoa ;
- O joa Tieri Dofisuho **TIWIINA**, o lanba li tuonli nni tie **57 710 C**, ki tie polisi, bi dini o li bali ke o tua koanbali tundikoa ;
- O pua Mari Denisi **SEBIGO**, o lanba li tuonli nni tie **57 727 X**, ki tie polisi, bi dini o li bali ke o tua koanbali tundikoa ;
- **BENON** pua Nana Fatumata **YATASAYE**, o lanba li tuonli nni tie **88 836 K**, ki tie a tinbuona gobidima tuonsoanlo, bi dini o li bali ke o tua li koanbali tundikoa.

E. YAA KOANBADIEGU N DIIDI ENTERINETI LENI A TISOANKAANA TUONSOANDIEDI LENI TELEFONNI TUONA

- O joa Musa **SOROMI**, o lanba li tuonli nni tie **245 327 H**, ki tie ligikubilo, bi dini li bali ke o tua yua n baa gobidi i ligi kuama leni i ñama tuona, yaa tuonjaali n diidi mi diema nni i laabaali tenma ñamu.

F. YAA KOANBADIEGU N DIIDI MI TAGIMA TUONSOANDIEDI

FINDIMA, U KPENDU TUONA LEÑI U NUU TUONSOANBANMA

- o pua Salimata **WEDIRAWOGO**, o lanba li tuonli nni tie **343 494 U**, ki tie yaaba n tuuni baalo loagu kubima tuona gobidikoa, bi dini o li bali ke o tua yaa tuojaali n die i laabaali leni a tila bilima liigiyua yaa tuonsoandieciangu n tie mi diema nni mi boaginma leni mi jiema kani;
- O joa Mohamedi **ILBUDO**, o lanba li tuonli nni tie **343 575 P**, ki tie yaaba n tuuni baalo loagu kubima tuona gobidikoa, bi dini o li bali ke o baa tie gobidikoa i ligi kuama leni i ñama tuona nni yaa tuonsoandieciangu n tie mi diema nni mi boaginma leni mi jiema kani;
- O pua Rihanata **WEDIRAWOGO**, o lanba li tuonli nni tie **238 589 N**, ki tie yaaba n tuuni baalo loagu kubima tuona gobidikoa, bi dini o li bali ke o tua yaa tuonjaali n die porosenba tuona coali leni a goandima yaa tuonsoandieciangu n diidi ti kunkundi kpaabu tuona kani.

G. YAA KOANBADIEGU N DIE KOLESİ LENİ LISE COGU LENİ

MI TUOSOANBANMA COGU KANI

- O joa Ipoliti Luñe **BASOLE**, o lanba li tuonli nni tie **220 565 M**, ki tie a tinbuona gobidima tuonsoanlo, bi dini o li bali ke o tua li koanbali todikaaba liigiyua ;
- O joa Henri Porosiperi **PARE**, o lanba li tuonli nni tie **35 176 A**, ki tie kolesi leni lise cogibila canbaanba goandikoa, bi dini li bali ke tua ku koanbadiegu tila dianma yudanciamo ;

- O joa Firansua **CONPAWORE**, o lanba li tuonli nni tie **31 336 D**, ki tie kolesi leni lise cogibila canbaanba goandikoa, bi dini o li bali ke o tua li koanbali tundikoa ;
- O joa Bartelemi **BADIELI**, o lanba li tuonli nni tie **246 742 U**, ki tie li tuonbaakaali leni mi tuonsoanbanma bangima tundikoa, bi dini o li bali ke o tua li koanbali tundikoa ;
- O joa Wawogabanba Patidisi **SUNDI**, o lanba li tuonli nni tie **130 467 K**, ki tie juju, bi dini o li bali ke o tua li koanbali tundikoa ;
- O pua Anseli **WIYA**, o lanba li tuonli nni tie **58 323 E**, ki tie kolesi leni lise cogibila canbaanba goandikoa, bi dini o li bali ke o tua li koanbali tundikoa ;
- O joa Evarisi Mari Wendi-Yam **JIBIRE**, o lanba li tuonli nni tie **36 120 J**, ki tie kolesi leni lise cogibila canbaanba goandikoa, bi dini o li bali ke baa tie li koanbali todikoa ;
- O joa Wendiwaoga Olivie **BAGIRE**, o lanba li tuonli nni tie **247 668 P**, ki tie gobidikoa u cogu tuona sanbili nni, bi dini o li bali ke baa tie li koanbali todikoa ;
- **WEDIRAWOGO** pua Nawomi **BIKABA**, ki tie a tinbuona gobidima tuonsoanlo, bi dini o li bali ke baa tie li koanbali todikoa;
- **ALIRA** pua Nonwende Veroniki **WANGIRAWA**, o lanba li tuonli nni tie **225 071 U**, ki tie u loagu kubima tuonsoandiedi gobidikoa, bi dini o li bali ke o tua yaa tuonjaali n die ku koanbadiegu tuona baanli leni a coali liigiyua ;
- O joa Amadu Tidiani **YINYIN**, o lanba li tuonli nni tie **112 498 B**, ki tie baalo ligidiegu tuonsoanba goandikoa, bi dini o li bali ke tua i ligi kuama leni i ñama tuona liigiyua ;
- O joa Buleema **SAWADOGO**, o lanba li tuonli nni tie **245 866 X**, ki tie polisi komiseeri, bi dini o li bali ke o tua baalo tuona bogidi leni mu daamu tenma liigiyua ;

- **SAKIRA** pua Maliyama **KARANTAWO**, o lanba li tuonli nni tie **207 907 E**, ki tie yaaba n kubi bi tuonsoanba tuona tundikoa, bi dini o li babli ke o tua yaa tuonjaali n diidi bi tuonsoanba tila liigiyua.

III.2. YAABA N BAA A BALA A TUONJAANA YELI PO

A koanbala taanli dini bi niba a bala a tuonjaana tuona gobidima po :

- i cogiciami cogidiegu (INEYI) kani yaa koanbadiegu n die ti diema leni dietoama siiga tuginma tuona yeli po ;
- Josefi kiseribo Iniverisite kani yaa koanbadiegu n diidi a cogibigbenga cogu leni mi bancanma linginma tuona yeli po;
- u gbanansaagu leni faaji jeliti ligi tuonsoandiegu kani, bi niba kuli todima po leni yanbuama tuona tuonsoandiegu kani leni Bulicina Suudu Bawude tuonsoandiegu kani yaa koanbadiegu n die ku gbanansaagu jeliti tuona, bi nipanba leni a tuona maama yeli po.

A. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

A koanbala taanli taa **jagili** ki dini yaa niba n tiene ki kuani ba a tuona gobidikaaba cagili nni i Cogiciami Cogidiegu (INEYI) kani li bakpiali nni binataa (03) po.

BAALO N GANDI YUA KE O TUA A TUONA GOBIDIKOA

Yaa koanbadiegu n diidi ti diema loagu leni i ligi tuona yeli nni :

- O joa Wendibenedo Jan-Mari **KEBERE**, o lanba li tuonli nni tie **104 259 A**, o tie Baalo ligi tuonsoandiedi tuona gobidikoa.

Yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama:

- Jonni Firankilen Isimayeli **SORIGO**, o lanba li tuonli nni tie **226 284 T**, o tie bi niba gobidima tundikoa, o lebidi Musitafa Fafingi Nikola **DIABATE**.

BAN GANDI YUA KE O TUA A TUONA GOBIDIKOA I COGICIAMI COGIDIEGU (INEYI) COGIBILA YELI NNI

- Timote **HARO**, o lanba tie **105 310 R**, o bali waagima baa tua wan tie a cogibila liigiyua yaa yogunu banlu.

B. YAA KOANBADIEGU N DIIDI A COGIBIGBENGA COGU LENI MI BANCANMA LINGINMA TUONA

A koanbala taanli taa **jagili** ki dini yaa niba n tiene ki kuani ba a tuona gobidikaaba cagili nni KI-SERIBO Iniverisite kani li bakpiali nni binataa (03) po.

BAALO N GANDI YUA KE O TUA A TUONA GOBIDIKOA

Baalo saliwuudo leni yaa tuonsoanba n gaani i nmapani yema namu koanbadiegu yeli nni

Tinunga 20 bonmu 22 nni

- O pua Oliga **WEDARAWOGO**, o lanba li tuonli nni tie **77 992 P**, o tie bujialo, o lebiri o joa Hamidu WEDARAWOGO.

YAABA N TUA A TUONA GOBIDIKAABA I LIGI TUONSOANDIEDI YELI NNI

- Yakuba **SERIBO**, o tie banki tuonsoangbengili, o lebidi Mokitari Dedugu DIAKITE.

C. U GBANANSAAGU, BI NIPANBA LENI A TUONBAKAANA KOANBADIEGU

A Koanbala Taanli taa **jaga naa (04)**.

Li jagikpiali gandi Kisiwendisida Ariseni Sitanisilasi **WEDARAWOGO**, o lanba li tuonli nni tie **23 24 501 L**, o tie u loagu tuona bando, ki kuani o a tuona gobidikaaba cagili nni u gbanansaagu leni faaji jeliti ligi tuonsoandiegu kani, li bakpiali nni binataa (03) po ; o lebidi Lasina PARE.

Li jagilieli dini li bali yaa niba n tiene baalo yeli po ki kuani ba a tuona gobidikaaba cagili nni Bi niba kuli todima Cagili - Yanbuama tuona tuonsoandiegu Bulicina Faso nni kani li bakpiali nni binataa (03) po.

Yaa koanbadiegu n diidi baalo saliwuudo leni yaa tuonsoanba n gaani i nmapani yema njamu kani:

- O joa Sidi **BARI**, o lanba li tuonli nni tie **217 027 N**, o tie bi niba gobidima tundikoa.

A bonwaala cogu, ti mabuoli cogu leni ti diema mabuoli findima koanbadiegu kani:

- Soma Alasani **WATARA**, c **247 172 C**, o tie bi niba gobidima tundikoa.

Li **jagitaali** goa ki pandi Adelifi **SANU** bali, o lanba li tuonli nni tie **130 544 E**, o tie bujialo, ke o tua a tuona gobidikoa Baalo po u gbanansaagu, bi nipanba leni a tuonbaakaana koanbadiegu yeli nni Bi niba kuli todima Cagili - Yanbuama tuona tuonsoandiegu Bulicina Faso nni kani, u yogunjuodiko nni binataa (03) po.

Li **jaginaali** gandi Abidulayi **WEDARAWOGO**, o lanba li tuonli nni tie **024 CFPR-Z**, o tie bangikoa, ki kuani o a tuona gobidikaaba cagili nni Bulicina Suudu Bawude kani, li bakpiali nni binataa (03) po.



www.sig.gov.bf

Guvenema Masoagindo
Le Porte-parole du Gouvernement,



Rimalba Jean Emmanuel OUEDRAOGO
Officier de l'Ordre de l'Étalon
Rimaliba Jan Emanuweli WEDARAWOGO
O baa Baalo jaandi leni Tanjoa maalima

Tinunga 22 bonmu 22 nni